



«Ա.ՍՊԵՆԴԻԱՐՅԱՆԻ ԱՆՎԱՆ ՕՊԵՐԱՅԻ ԵՎ ԲԱԼԵՏԻ ԱԶԳԱՅԻՆ ԱԿԱԴԵՄԻԱԿԱՆ ԹԱՏՐՈՆ»
ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆ

Հ Ր Ա Մ Ա Ն

N 932-L

«03» օգոստոսի 2022 թ.
ք. Երևան

**«Ա. ՍՊԵՆԴԻԱՐՅԱՆԻ ԱՆՎԱՆ ՕՊԵՐԱՅԻ ԵՎ ԲԱԼԵՏԻ ԱԶԳԱՅԻՆ ԱԿԱԴԵՄԻԱԿԱՆ
ԹԱՏՐՈՆ» ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ՈՐՈՇ
ԱՇԽԱՏԱԿԻՑՆԵՐԻ ՀԱՄԱՐ ՊԱՏՇԱՃ ԱՐՏԱՔԻՆ ՏԵՍՔ ԱՊԱՀՈՎԵԼՈՒ ՄԱՍԻՆ**

Ղեկավարվելով Հայաստանի Հանրապետության աշխատանքային օրենսգրքի 5-րդ հոդվածով, «Պետական ոչ առևտրային կազմակերպությունների մասին» Հայաստանի Հանրապետության օրենքի 17-րդ հոդվածի 1-ին մասի ժա) ենթակետով, ՀՀ կրթության, գիտության, մշակույթի և սպորտի նախարարի 2020 թվականի մայիսի 22-ի N 652-Ա հրամանով հաստատված «Ա. Սպենդիարյանի անվան օպերայի և բալետի ազգային ակադեմիական թատրոն» պետական ոչ առևտրային կազմակերպության, այսուհետ՝ Թատրոն, կանոնադրության 25-րդ կետի 6-րդ ենթակետով և նպատակ ունենալով բարձրացնելու Թատրոնի հանդիսատեսի սպասարկման որակը, ինչպես նաև ապահովելու հանդիսատեսի հետ շփվող աշխատողների պատշաճ արտաքին տեսք՝

հրամայում եմ.

1. Սահմանել, որ.

1) հանդիսատեսի ավագ օգնականը, հանդիսատեսի օգնականները, հսկիչները/մուտքի անցակետի/, տոմսարկղի գանձապահները, ընդհանուր բաժնի գործավար Ն. Ղալեյանը պարտավոր են աշխատանքային ժամերին կրել Թատրոնի կողմից իրենց հատկացված սպիտակ վերնաշապիկ, որի դիմերեսի ձախ կողմում պատկերված է Ա. Սպենդիարյանի անվան օպերայի և բալետի ազգային ակադեմիական թատրոնի շենքի վերևից պատկերը, որը խորհրդանշում է «օպերա» բառի «Օ» տառը: Պատկերի աջ կողմում հայերեն լեզվով գրված է՝ «ՀԱՅԱՍՏԱՆԻ ԱԶԳԱՅԻՆ ՕՊԵՐԱՅԻ ԵՎ ԲԱԼԵՏԻ ԹԱՏՐՈՆ», կամ անգլերեն լեզվով գրված է «ARMENIAN NATIONAL OPERA AND BALLET THEATRE»,

2) բեմի մեքենավարների ծառայության աշխատակիցները, թատերական լուսավորության ծառայության աշխատակիցները և էլեկտրատեխնիկական ծառայության աշխատակիցները պարտավոր են աշխատանքային ժամերին կրել Թատրոնի կողմից իրենց հատկացված սև շապիկ, որի դիմերեսի ձախ կողմում պատկերված է Ա. Սպենդիարյանի անվան օպերայի և բալետի ազգային ակադեմիական թատրոնի շենքի

վերևից պատկերը, որը խորհրդանշում է «օպերա» բառի «Օ» տառը: Պատկերի աջ կողմում հայերեն լեզվով գրված է՝ «ՀԱՅԱՍՏԱՆԻ ԱԶԳԱՅԻՆ ՕՊԵՐԱՅԻ ԵՎ ԲԱԼԵՏԻ ԹԱՏՐՈՆ», կամ անգլերեն լեզվով նշված է «ARMENIAN NATIONAL OPERA AND BALLET THEATRE», իսկ հետևի մասում նշված է համապատասխան ծառայության անվանումը:

3) սույն կետի 1-ին և 2-րդ ենթակետերում նշված աշխատակիցները պարտավոր են կրել սպիտակ գույնի բեյջ, չափսը՝ 9սմ X 13 սմ, որի վրա նշված է համապատասխան աշխատակցի անունը և պաշտոնը:

2. Հասարակայնության, հանդիսատեսի հետ կապերի և մարքեթինգի բաժնին՝ սույն հրամանի 1-ին կետում նշված աշխատակիցներին ապահովել շապիկներով կամ վերնաշապիկներով, ինչպես նաև բեյջերով:

3. Թատրոնի անձնակազմի կառավարման բաժնի պետին՝ սույն հրամանն ուժի մեջ մտնելուց հետո այդ մասին սահմանված կարգով գրավոր տեղեկացնել Թատրոնի համապատասխան ստորաբաժանումների աշխատակիցներին:

4. Թատրոնի «Հասարակայնության, հանդիսատեսի հետ կապերի և մարքեթինգի» բաժնին՝ երկօրյա ժամկետում սույն հրամանը հրապարակել Թատրոնի պաշտոնական ինտերնետային կայքէջում առանձին բաժնում՝ նշելով ակտի հրապարակման օրը:

5. Սույն հրամանն ուժի մեջ է մտնում Թատրոնի պաշտոնական ինտերնետային կայքէջում հրապարակմանը հաջորդող օրը:

**Թատրոնի տնօրենի
ժամանակավոր պաշտոնակատար՝**



Կ. Դուրգարյան

«03» օգոստոսի 2022 թ.

ք. Երևան